

翳反一計名聞問下者燈炷注下音漆音頃傾領對
斧上下音卓柯音銑劬上音沉下尼說
耆渠夷反悅下植殖力反常伎其倚治二值持稍
道利鈍困下步迷反難問聲上去遠代甘餚下時
禪佛略上力遮反憤闊上俱妹反遐遐音甘餚肩反
六灰於羅羅聲下呼各反劫燒聲下尼吒竹下
反嫁厭反一焰牀舉余梯稗浦賣反

者僧壽名聞流布是作經者意也如阿囉等
字貫在經初此非吉相後當廣說若求第一
最吉祥者三寶是也應當歸依如吉祥偈說
諸天世人中無上尊導師佛爲大覺者
是名最吉祥若人於佛所安信心不動
奉持清淨戒是名最吉祥遠離愚癡人
親近有智者可敬者則敬是爲最吉祥
是故應禮三寶以最吉祥故我經初說

成實論卷第二

西二

訶梨跋摩造 姚秦三藏鳩摩羅什譯

吉祥品第十二

今欲論佛法饒益於世間佛以大悲心爲廣利益一切世間故說是法無所齊限如或有人但爲婆羅門故說解脫經佛所說經皆爲度脫四品衆生乃至畜生亦不限礙問曰不應造論論佛語也所以者何若佛自論可名爲論若佛不論餘不能論所以者何一切智人意趣難解不知何所爲故而說是事若不得佛意妄有所說則爲自傷如經中說二人謗佛一以不信憎惡故謗二雖有信於佛所

說不能諦受亦名謗佛設有真智不知佛意尚不能得論佛所言況未得者而欲造論論佛意耶所以者何如異論經中佛爲解故說如是事諸比丘等種種異論皆不得佛意又如長老摩訶迦旃延語諸比丘如伐大樹棄捨根莖但取枝葉汝等亦余捨離如來而問

我耶若摩訶迦旃延於論議中自喻枝葉何況餘人能解佛語又佛問舍利弗云何學人云何數法人三問不答又佛爲一切諸法根本惟佛能解餘人不能解又阿難白佛遇善知識於得道中則爲半利亦有道理所以者何以二因緣正見得生一從他聞二自正念佛語阿難但善知識則爲具足得道利己又如佛言若我爲人有所說法是人不得我意故生諍訟令諸論師各有所執或言過去未來有法或有言無當知如是諸論師等不解如來隨宜所說故生諍訟又如阿難爲三摩提說諸所受皆名爲苦尔時佛語諸比丘言

西二

二

汝觀阿難髮像是義又諸論者謂阿羅漢應先受供養比丘不知便往問佛佛言於我法中前出家者應先受供養飲食鹿事猶尚不能知何況如來意說微妙法以此等故不應造論答曰不然所以者何有因緣故能知他意如偈中說能知說者意所趣向亦知說者

欲說何事有二種道聖道世間道後當廣說以此道故知說者意復次異論經中佛亦盡聽又迦旃延等大論議師得佛意故佛皆讚善又優陀夷比丘曇摩塵那比丘尼等造佛法論佛聞即聽又佛法深妙解者造論不解則正如是其餘佛爲諸法根本等問悉已通答又應造論所以者何若經造論義則易解法則久住又佛聽造論如經中說佛語比丘隨所造論應善受持是故於修多羅中取義立論別爲異部故應造論又佛爲種種可度衆生說世間等諸論義門如莎提等不能解故其心迷亂莎提等比丘說生死往來常是

一識佛如是等種種說法若無論議云何可解以是等緣故應造論

論門品第十四

論有二門一世界門二第一義門以世界門故說有我如經中說我常自防護為善自得善為惡自得惡又經中說心識是常又言長

西二

三

夜修心死得上生又說作者起業作者自受又說某衆生生某處等如是皆以世界門說第一義門者皆說空無如經中說此五陰中無我我所心如風燄念念生滅雖有諸業及業果報作者受者皆不可得如佛以五陰相續因緣說有生死又有二種論門一世俗門二賢聖門世俗門者以世俗故說言月盡月實不盡如摩伽羅母說兒婦為母其實非母如經中說舌能知味以舌識知味舌不能知如稍刺人言人得苦是識知苦非人受苦如貧賤人字為富貴佛亦隨人名為富貴又佛呼外道名婆羅門亦名沙門又如刹利婆羅

門等佛亦隨俗稱為尊貴又如一器隨國異名佛亦隨名又如佛言是吾最後觀毗耶離諸如是等隨世語言名世俗門賢聖門者如經中說因緣生識眼等諸根由如大海又如經說但陰界入衆緣和合無有作者亦無受者又說一切苦如經中說世間言樂聖人說苦聖人說苦世間言樂又諸所說空無相等名賢聖門又有三時論門若於此事中說名為色若已曾有當有今有皆名為色識亦如是若已曾知當知今知皆名為識如此等名三時論門又有若有論門若有觸必因六入非一切六入盡為觸因若有愛必因於受非一切受盡為愛因或說具足因如觸因緣受或說不具足因如受因緣愛不說無明或復異說如經中說心歡喜身得猗三禪無喜亦有身猗又說猗者受樂四禪有猗而無受樂是名異說又有通塞二種論門如經中說若是名發足為供養塔中間命終皆生天上是名

爲通又餘經說作逆罪者不得生天是名爲塞又經中說受諸欲者無惡不造是名爲通須陀洹人雖受諸欲亦不能起墮惡道業是名爲塞又經中說因眼緣色而生眼識是名爲通若尔應緣一切色皆生眼識而不然又經中說因耳緣聲生耳識等不生眼識是名

西二

四

爲塞又所言通塞皆有道理不壞法相復有二種論門一決定二不決定決定者如說佛爲一切智人佛之所說名真妙法佛弟子衆名正行者又言一切有爲皆悉無常苦空無我寂滅泥洹如是等門是爲決定不決定者若言死者皆生是則不定有愛則生愛盡則滅又經中說若得心定皆生實智是亦不定聖人得定能生實智外道得定則不能生又如經說所求皆得是亦不定或得不得若言六入必能生觸是亦不定或有能生或有不生如是等名定不定門復有爲不爲論門如說奇草芳華不逆風薰又說拘毗羅華能逆

風聞爲人華故說不逆風薰爲天華故說逆風薰又說三受苦受樂受不苦不樂受又餘經說所有諸受皆名爲苦有三種苦苦壞苦行苦爲此故說所有諸受一切皆苦又說是苦三種有新故中新受名樂久厭則苦中名爲捨又說爲得道故名爲道人未得道者亦名道人有如是等相因得名又有近論門如佛語比丘汝斷戲論則得泥洹雖未便得但以近故亦名爲得又有同相論門如說一事餘同相事皆名已說又如佛說心爲輕躁則爲已說餘心數法又有從多論門如佛言若人不知二見生滅相者皆名有欲若能知

西二

五

者皆名得離須陀洹人亦知二見生滅之相而有貪欲但以知者多是離欲人復有因中說果論門如說施食則與五事命色力樂辯才而實不與命等五事但與其因又如說食錢錢不可食因錢得食故名食錢又如經說女人爲垢實非垢也是貪著等煩惱垢因故

名爲垢又說五塵名欲實非欲也能生欲故
名之爲欲人樂因緣說名爲樂如說以法集
人是人爲樂又苦因緣說名爲苦如說與愚
同止是名爲苦如說火苦火樂又說命因爲
命如偈中說資生之具皆是外命如奪人物
名爲奪命又說漏因爲漏如七漏經說此中
二是實漏其餘五事是漏因緣又果中說因
如佛言我應受宿業謂受業果如是等衆多
論門盡應當知

讚論品第十五

應習此論所以者何學習此論得智人法如
經中說世有二人一謂智人二謂愚人若不
善分別陰界諸入十二因緣因果等法是名
愚人若善分別陰界入等是名智人今此論
中正分別解陰界入等故因此論得智人法
是以應學又習此論故不名凡夫又有二人
一是凡夫二非凡夫如說雖剃鬚髮被服法
衣受佛威儀猶遠佛法以不成就信等根故

若能成就信等根者雖處居家不名凡夫如
經中說有四種人有入僧威儀不入僧數有
在僧數非僧威儀有入僧威儀亦入僧數有
非僧威儀亦非僧數初名出家凡夫次名在家
聖人三名出家聖人四名在家凡夫以此
故知離信等根則不入僧數是故當爲信等
諸根勤行精進欲得信等當於佛法聽受誦
讀如說修行是故應習此佛法論又從此論
得二種利自利利他如經中說有四種人有
能自利不能利他有能利他不能自利有能
俱利有俱不利若能自具戒等功德不能令
他住戒等中是名自利如是四種若人雖能
自利令他施等得大果故亦名利他此中佛
意不說此利若人但能爲他說法是名利他
是人雖不自隨法行爲他說故自亦得利如
經中說爲人說法得五種利此中佛意亦不
說此利此中但說最第一利謂如說行得盡
西二 六

最猶衆味中之醍醐也復次是人今處明中後亦入明世間衆生多從冥入冥從明入冥若少行佛法是人亦能從冥入明從明入冥所以者何行布施等不能得如聽佛法利若少聽佛語能得達慧破諸衰惱獲無量利如經中說有四種人有從冥入冥從冥入明從

明入明從明入冥又四種入有順流者有逆流者有中住者有得度者若人一心聽佛法者是人即能除滅五蓋修七覺意是故此人截生死流名逆流者亦名爲住亦名得度者復有四種人有常沒者有暫出還沒者有出觀者有得度者若不能生隨順泥洹信等功德是名常沒或生世間信等功德不能堅固還復退失是名暫出還沒起隨順泥洹信等功德分別善惡是名出觀具足修習隨順泥洹信等功德是名度者若人能解佛法正義終不常沒設復暫退亦不永失又以此人名爲修功德者若人不修身戒心慧作少惡業

西一

亦墮惡道若人修習身戒心慧雖多爲惡不墮惡道修身者以聞慧修身受心法以修身故漸次能生戒定慧品能滅諸業滅諸業故生死亦滅又經中說有四種人有結使利而不深有深而不利有亦深亦利有不深不利初名有增上結時時而來次名若軟中結常來在心三名若增上結常來在心四名若軟中結有時而來若人得聞佛法正論斷二種結深而利者又解佛法正義既不自惱亦不惱他外道持戒即自惱身若墮邪見即惱他人謂無罪福業果報故若行布施亦是自惱亦名惱他如天祠中多殺牛羊若解佛法義者但爲得利不自惱身亦不惱他如得禪定行慈悲者是故應習是佛法論又習此論者名可與言解正義故如經中說若論議時應當分別是可與言是不可與言若人不住智者法中處非處中若分別中及道中者是人皆名不可與言與此相違名可與言不住智

人法中者論者以正智慧善解義趣然後執用此人不知是故不執如尼延子等自言我師是可信人但隨其語不住處非處者不住用因中諸外道等於二種因共因異因若他說共因答以異因他說異因答以共因不住如是二種因中不住分別中者不住譬喻中不住道中者不住論道中如說論者莫出惡言勿捨義宗但說實利方便勸誨令得解悟自心歡喜名聖語法是中若人正知佛法語者乃可與言非餘人也又不可與言者有應定答問以不定答應分別答問以不分別答應反質答問以不反質答應置答問不置而答與此相違名可與言應定答問者惟有一因如佛世尊世間無等如此比也應分別答問者更有因緣如死相續等應反質答問者如有人問還問令答應置答問者若法無實體但有假名若問此法爲一爲異常無常等是不答義惟解佛法者乃解知耳是故應習

此佛法論又有三種人正定邪定不定正定者是人必入泥洹邪定者必不入泥洹餘名不定若人能解佛法義者必入正定又有四種人純罪多罪少罪無罪純罪者若人但有不善無一善法多罪者多惡少善少罪者多善少惡無罪者但有善法無有不善若人能解佛法正義必入二種少罪無罪復次若人解佛法義則受苦有量以必當得至涅槃故四法品第十六

復次若習此論得上攝法如經中說有四攝法布施愛語利行同利布施者衣食等物以此財施攝取衆生還可敗壞愛語者隨意語言是亦有各取彼意故利行者爲他求利若有因緣助他成事是亦可壞同利者如共一船憂喜是同是或可壞若人以法布施愛語利行同利攝取衆生則不可壞以法攝者謂習此論故應勤學又習此論得上依止如經中說依法不依人有人雖言我從佛聞若從

多識比丘所聞若從二三比丘所聞若衆中聞若從大德長宿邊聞不以信此人故便受其語是語若入修多羅中不違法相隨順毗尼然後應受入修多羅者謂入了義修多羅中了義修多羅者謂是義趣不違法相法相者隨順毗尼毗尼名滅如觀有爲法常樂我

西二
九

淨則不滅貪等若觀有爲法無常苦空無我則滅貪等知無常等名爲法相應依是法不依於人若說依法則摠一切法是故次說依了義經不依不了義經了義經者即第三依謂依於義不依語也若此語義入修多羅中不違法相隨順毗尼是則依止依智不依識者謂隨順色等法如經中說能識故識智名通達實法如經中說如實知色受想行識故名爲智如實即空是故識有所得不應依也若依於智即是依空欲通達此上依止故當習此論又經中說天人四輪能增善法一依善處二依善人三自發正願四宿殖善根住

善處者謂處中國離於五難依善人者生值佛世宿植善根者不聾瘡等自發正願者正見是也正見必從聞佛法生是故應習此正法論又誦習此論者於壽命中得大堅利謂通達諦如經中說有四堅法說堅定堅見堅解脫堅說堅者若說一切有爲皆無常苦一

切無我寂滅泥洹是名說堅名聞慧滿因此得定名思慧滿因此定故觀有爲法無常苦等能得正見名修慧滿三慧得果名解脫堅復次若聞佛法正論則得大利如經中說四大利法親近善人聽聞正法自正憶念隨順法行若近善人則聞正法以此正法在善人故聞正法已則生正念以無常等正觀諸法從是正觀能隨法行謂無漏見也又聞此論則具四德處慧德處實德處捨德處寂滅德處聞法生慧是慧德處以是智慧見真諦空名實德處見真空故得離煩惱名捨德處煩惱盡故心得寂滅是寂滅德處又人得聞佛

法正論能種隨順泥洹四種善根所謂暖法頂法忍法世間第一法以無常等行觀五陰時生順泥洹下軟善根能令心熱是名暖法暖法增長成中善根名爲頂法頂法增長成上善根名爲忍法忍法增長成上上善根名世間第一法又有四種善根退分住分增分

(西一)

(十)

達分離諸禪定禮敬誦讀是等善根名爲退分得定等善根是名住分從聞思等生諸善根是名增分無漏善根是名達分若聞佛法永離退分得三善根

四諦品第十七

復次若人聞佛法義則能善知分別四諦苦

諦集諦滅諦道諦苦諦者謂三界也欲界者從阿鼻地獄至他化自在色界者從梵世至阿迦尼吒天無色界者四無色也又有四識處色受想行外道或謂識依神住故佛說識依此四處又有四生卵生胎生濕生化生諸天地獄一切化生餓鬼二種胎生化生餘殘

四生又有四食搏食者若鹿若細飯等名鹿酥油香氣及諸飲等是名爲細觸食者冷暖風等意思食者或有人以思願活命識食者中陰地獄無色衆生入滅定者雖無現識識得在故亦名識食又有六道上罪地獄中罪畜生下罪餓鬼上善天道中善人道下善阿修羅道又有六種地水火風空識四大圍空有識在中數名爲人又六觸入眼等六根與識和合名爲觸入又七識處於是處中以顛倒力故識貪樂住又世間八法利衰稱識毀譽苦樂人在世間必受此事故名世法九衆生居衆生皆以顛倒力故能處此中又有諸法

(西二)

(十一)

五種分別五陰十二入十八界十二因緣二十二根五陰者眼識色爲色陰依此生識能取前色是名識陰即時心生男女怨親等想名爲想陰若分別知怨親中人生三種受是名受陰是三受中生三種煩惱是名行陰以此事起受身因緣名五受陰以四緣識生所

謂因緣次第緣緣增上緣以業爲因緣識爲次第緣以識次第生識故色爲緣緣眼爲增上緣此中識從二因緣生所謂眼色乃至意法名十二入是中加識名十八界謂眼界色界眼識界等是陰等法云何當生在十二時中故名十二因緣是中無明是煩惱行名爲業因此二事次第生識名色六入觸受愛取二法是名煩惱有名爲業未來世中初受身識名之爲生餘名老死是十二因緣示有過去未來現在但衆緣生無有我也又爲生死往來還滅故說二十二根一切衆生初受身時以識爲本是識六種從眼等生故說六

故六入六識得相續生是命中業名爲命根是業從諸受生諸受即名樂等五根從此五根生貪愛等一切煩惱及身口業此業因緣還受生死是爲垢法能令生死因緣相續以何因緣能生淨法必因信等信等四法因緣成慧慧有三時謂未知欲知知已修習所作辦時此根皆是智慧差別佛以生死往來還滅垢淨故說二十二根如是等法苦諦所攝能知此者是名善知苦諦集諦者業及煩惱業者業品中當說煩惱者煩惱品中當說諸業煩惱是後身因緣故名集諦滅諦者後滅諦聚中當廣說謂假名心法心空心滅此三

西二

十二

根所謂眼根乃至意根能生六識故名六根可以分別男女相故名男女根有人名爲身根少分此六根或名六入從是六事生六種識故名爲壽所以者何是六入六識得相續生故名爲壽是相續斷故名爲死是故此事名之曰命是中何等是根所謂業也以因業

諸法名法念處四正勤者若生惡不善法見其過患爲斷故生欲勤精進斷方便謂知見緣未生惡不善法爲不生故生欲勤精進不生方便謂知見緣未生善法爲生故生欲勤精進生方便謂知見緣已生善法爲增長故生欲勤精進以上中下次第方便及不退轉故四如意足者欲三昧妙行成就修如意分因欲生三昧名欲三昧欲精進信猗憶念安慧思捨等妙法共成名妙行成就功德增長故名如意足欲增長故名爲精進是名第二行者有欲有精進故修習定慧得心三昧所謂定也思惟三昧所謂慧也五根者聞法生信是名信根信已爲斷垢法證淨法故勤發精進是名精進根修四念處是名念根因念能成三昧是名定根因定生慧是名慧根是五根增長有力故名五力八聖道分者從聞生慧能信五陰無常苦等是名正見是慧若從思生名正思惟以正思惟斷諸不善修習

出二

十三

諸善業行精進名正精進從此漸次出家受戒得三道分正語正業正命從此正戒次成念處及諸禪定因此念定得如實智名八道品如是次第復次八道分中戒應在初所以者何戒定慧品義次第故正念正定是名定品精進常徧一切處行慧品近道故在後說是慧二種若鹿若妙鹿者聞慧思慧名正思惟妙者修慧謂入暖等法中能破假名及五陰法是名正見以此正見見五陰滅名初入道因是次得七菩提分念菩提分者學人失念則起煩惱故繫念善處繫念先來所得正見是名擇法不捨擇法故名精進行精進時煩惱減少心生歡喜故名爲喜以心喜故則身得猗是名爲猗身猗得樂樂則心定是定難得名爲金剛得無著果斷憂喜等故名爲捨菩提名無學智修此七法能得菩提名菩提分是三十十品得四沙門果須陀洹果者

謂通達空以此空智能斷三結斯陀含果者即修此道能薄煩惱於欲界中有餘一生阿那含果者能斷欲界一切煩惱阿羅漢者斷一切煩惱若能誦習此佛法論則能通達四諦得四沙門果故應修習此佛法論

法聚品第十八

復次習此論者則能通達可知等法聚以通達故外道邪論不能制伏亦能速滅煩惱自能離苦亦能濟人可知等法聚者謂可知法可識法色法無色法可見法不可見法有對法無對法有漏法無漏法有爲法無爲法心法非心法心數法非心數法心相應法心不相應法心共有法心不共有法隨心行法不隨心行法內法外法麁法細法上法下法近法遠法受法非受法出法非出法共凡夫法不共凡夫法次第法非次第法有次第法無次第法如是等二法又有三法色法心法心不相應法過去法未來法現在法善法不善

法無記法學法無學法非學非無學法見諦斷法思惟斷法無斷法如是等三法又有四法欲界繫法色界繫法無色界繫法不繫法又有四道苦難行道苦易行道樂難行道樂易行道又有四味出味離味寂滅味正智味又有四證法身證法念證法眼證法慧證法四受身四入胎四緣四信四聖種四惡行如是等四法五陰六種六內入六外入六生性六喜行六憂行六捨行六妙行七淨八福生九次第滅十聖處十二因緣如是可知等法聚無量無邊不可說盡我今略舉其要可知法者第一義諦也可識法者謂世諦也色法者色聲香味觸也無色法者心及無作法也可見法者謂色入也有對法者色法是也有漏法者若法能生諸漏如非阿羅漢假名法中心是也與上相違名無漏法也有爲法者從衆緣生五陰是也無爲法者五陰盡滅是也心法者能緣是也心數法者若識得緣即

次第生想等是也心相應法者謂識得緣次第必生如想等是也心共有法者謂法心共
有如色心不相應行是也隨心行法者若法
有心則生無心不生如身口無作業也內法
者已身內六入也麁細法者相待有也如觀
五欲色定爲細觀無色定色定爲麁也上下

西二

十五

法者亦如是也近遠法者或異方故遠或不
相似故遠也受法者從身生法也出法者謂
善法也共凡夫法者有漏法也次第法者從
他次第生也有次第法者能生次第也色法
者色等五法也心法者如上說心不相應行
者無作業也過去法者已滅法也未來法者
當生法也現在法者生而未滅也善法者爲
利益他衆生法及真實智也與此相違名不
善法也二俱相違名無記法也學法者學人
無漏心法也無學法者無學人在第一義心
也餘名非學非無學也見諦斷法者謂須陀
洹所斷示相我慢及從此生法也思惟斷法

者謂須陀洹斯陀含阿那含所斷不示相我
慢及從此生法也無斷法者謂無漏也欲界
繫法者若法報得阿鼻地獄乃至他化自在
天也色界繫法者從梵世乃至阿迦尼吒天
也無色界繫法者四無色也不繫法者無漏
法也苦難行道者鈍根得定行道者是也苦
易行道者利根得定行道者是也樂難行道
者鈍根得慧行道者是也樂易行道者利根
得慧行道者是也出味者出家求道也離味
者身心遠離也寂滅味者得禪定也正智味
者通達四諦也念證法者四念處也因是念
處能生四禪是名身證因四禪故能生三明
名爲眼證通達四諦名爲慧證四受身有能
自害他亦能害有不自害有能自害有能自
害他亦能害有不自害不爲他害四入胎者
有不自念入胎亦不自念住胎出胎有自念
入胎而不自念住胎出胎有自念入胎住胎
而不自念出胎有自念入胎住胎出胎以顛

倒心亂故不自念心正不亂故能自念四緣
因緣者生因習因依因生因者若法生時能
與作因如業爲報因習因者如習貪欲貪欲
增長依因者如心心數法依色香等是名因
緣次第緣者如以前心法滅故後心得次第
生緣緣者若從緣生法如色能生眼識增上

西二

十六

緣者謂法生時諸餘緣也四信信佛者謂得
真智於佛生清淨心決定智佛於衆生中尊
信此真智即是信法得是智者一切衆中最
爲第一是名信僧得聖所愛戒謂以深心不
造諸惡知我因是戒能信三寶信是戒力故
名信戒以四聖種故不爲衣服愛之所染不
爲飲食卧具從身愛之所染故名四聖種四
惡行者以貪故瞋故怖畏故癡故墮惡道中
色陰者色等五法也受陰者能緣法也想陰
者能分別假名法也行陰者能生後身法也
識陰者惟能識塵法也地種者色香味觸和
合堅相多者名爲地種濕相多者名爲水種

熱相多者名爲火種輕相多者名爲風種色
相無故說名空種能緣法故名爲識種眼入
者四大和合眼識所依故名眼入耳鼻舌身
入亦如是意入者謂心也色入者眼識所緣
法也聲香味觸法入亦如是六生性者謂黑
性人能習黑法亦習白法及黑白法白性人

亦如是六喜行者依貪心也六憂行者依瞋
心也六捨行者依癡心也六妙行者實智慧
也七淨戒淨者戒律儀也心淨者得禪定也
見淨者斷身見也度疑淨者斷疑結也道非
道知見淨者斷戒取也行知見淨者思惟道
也行斷知見淨者無學道也八福生者人中

西二

十七

富貴乃至梵世也諸福報樂此中最多故說
此入也九次第滅者入初禪滅語言二禪滅
覺觀三禪滅喜四禪滅出入息虛空處滅色
相識處滅無邊虛空相無所有處滅無邊識
相非想非無想處滅無所有相入滅盡定滅
受及想也十聖處者聖人斷五法成六法守

一法依四法滅僞諦捨諸求不獨思惟離諸身行善得心解脫善得慧解脫所作已辦獨而無侶斷五法者斷五上分結得阿羅漢一切結盡行六妙法眼等諸情於色等塵不憂不喜亦不癡故守一法者繫念身也依四法者謂乞食等四依法也復有人言依四法者聖人有法遠離有法親近有法除滅有法忍受淨持戒故能達實相名離僞諦斷一切見名得初果捨諸求者謂欲求有求及梵行求得初果故知有爲法皆是虛誑也欲捨三求得金剛三昧已捨於學道余時能盡名捨諸求不獨思惟者滅六種覺心得清淨能薄三毒得第二果滅除貪憂得第三果名不獨思惟離身行者除欲界結得四禪故名離身行得盡智故名善得心解脫得無生智故名善得慧解脫諸聖人心住此十處故名聖處佛法所作必應盡苦故曰所作已辦遠離凡夫及諸學人故曰無侶心離諸法住畢竟空故

名爲獨十二因緣無明者謂隨假名心因此倒心能集諸業故曰無明緣行識隨業故能受有身故曰行緣識也受有身已名爲名色六入觸受此諸分等隨時漸增受諸受時依止假名故能生愛因愛生餘煩惱故名爲取愛取因緣有是名三分從是諸業煩惱因緣後世中生從生因緣有老死等是中若說無明諸行則明過去世有令斷常見知從無始生死往來從業煩惱因緣受身若說生死則明未來世有令斷斷見若不得真智則生死無邊但有苦果若說中間八分明現在法但從衆緣相續故生無有真實此中無明諸行

西二

十八

是先世因緣此因緣果謂識名色六入觸受從此五事起愛取有是未來世因此因緣果謂生老死若受諸受時還生愛取是故此十二分輪轉無窮能得真智則不集諸業諸業不集則無有生生名起成若人習此正論則知諸法皆自相空不集諸業諸業不集則無

有生無有生故老死憂悲苦惱都滅故欲自利兼利衆生漸成佛道熾然自法滅他法者當習此論

十論初有相品第十九

問曰汝經初言廣習諸異論欲論佛法義何等是諸異論答曰於三藏中多諸異論但人多喜起諍論者所謂二世有二世無一切有一切無中陰有中陰無四諦次第得一時得有退無退使與心相應心不相應心性本淨性本不淨已受報業或有或無佛在僧數不在僧數有人無人有人言二世法有或有言無問曰何因緣故說有何因緣故言無答曰

有者若有法是中生心二世法中能生心故當知是有問曰汝當先說有相答曰知所行處名曰有相難曰知亦行於無所有處所以者何如信解觀非青見青又所作幻事亦無而見有又以知無所有故名入無所有處定又以指案目則見二月又經中說我知內無

西二

十九

貪欲又經中說如色中貪斷名爲色斷又如夢中無而妄見以是等緣故知亦行於無所知行無所有處所以者何要以二法因緣故識得生一依二緣若當無緣而識生者亦應無依而識得生然則二法無用如是亦無解脫識應常生是故知識不行於無復次以有所識故名爲識若無所識則亦無識又說識能識塵謂眼識識色乃至意識識法若言有無緣識此識何所識耶又若言有無緣識是則錯謬如有人言我狂心亂世間所無而我皆見又若知無所有不應生疑以有所知故得生疑又經中說若世間所無我知見者無有是處又汝言自相違若無何所知耶又經中說能緣法者是心心數法亦說一切諸法皆是所緣此中不說無法爲緣復次諸法塵是生識因若無以何爲因又經中說三事和合故名爲觸若法無者何所和合復次無緣

之知云何可得若知則不無若無則不知是故無無緣知又汝先言知行無所有處如信解觀非青見青者無有是處所以者何是非青中實有青性如經中說是木中有淨性又取青相心力轉廣一切盡青非無青相又幻網經說有幻幻事者無衆生中見似衆生故名爲幻又汝言以知無所有故名入無所有處定者以三昧力故生此無相非是無也如實有色壞爲空相又入是三昧所見法少故名爲無如鹽少故名無鹽慧少故名無慧又如說非有想非無想處是中雖實有想亦說非有非無又汝言以指案目見二月者見不審故以一爲二若合一眼則不見二又汝言我知內無欲者是人見五蓋相違七覺法故便生念言我知無欲非知無也又汝言知色中貪斷名色斷者見真實慧與妄解相違故名貪斷又汝言夢中無而見者因先見聞憶念分別及所修習故夢中見又冷熱氣盛故

西二

二十

隨夢見或以業緣故夢如昔菩薩有諸大夢或天神等來爲現夢是故夢中見有非知無也難曰汝言要以二法因緣識得生者是事不然佛破神我故說二法因緣生識非盡然也又汝言以有所識故名識者識法有則知有無則知無若此事無以無此事故名爲見空又三心滅故名爲滅諦若無空心何所滅耶又汝言眼識識色乃至意識識法者是識但能識塵不辨有無又汝言若有無緣識是則錯亂者則有知無之知如狂病人見所無者又汝言若知無不應生疑者若疑爲有爲無則有無緣知也又汝言如經中說若世間所無我若知見無是處者是經不順法相似非佛語或三昧如是入此三昧所見盡有爲是三昧故如是說又汝言自相違者我言緣無非相違也又汝言心心數法能緣一切法是緣者有心心數法而無所緣亦心心數法不能實緣故不名緣又諸法實相離諸相故

不名爲緣又汝言諸塵是生識因若無以何爲因者即以無爲因又汝言三事和合名爲觸者若三事可得則有和合非一切處盡有三事又汝言若知不無若無不知者若有緣知亦同是過又汝言如木中有淨性者是事不然有因中有果過故又汝言取相心轉廣

西二

王

者是亦不然本青相少而見大地一切皆青則是妄見如是觀少青故能見闇浮提盡皆是青非妄見也又汝言幻網經說有幻幻事者無衆生中見似衆生爲衆生事此事實無而見則是無緣知也又汝言以三昧力故生此無相如實有色壞爲空者若色實有而壞爲空則是顛倒又少而言無亦是顛倒又汝言見不審者是事不然如眼氣病人見空中有毛其實無也又汝言見五蓋相違七覺法故便生念言我知無者七覺法異無貪亦異云何爲一又汝言見真實與妄解相違名貪斷者妄解名虛妄觀是故說知欲斷故色

斷真實慧者無常觀也又汝言夢中實見者是事不然如夢墮舍而實不墮是故有知無之知不以知行故名有相

無相品第二十

問曰若此非有相今陰界入所攝法應當是有答曰此亦不然所以者何是人說凡夫法

陰界入攝是事不順法相若然者有說如等諸無爲法亦應是有而此實無故知陰界入所攝法非是有心問曰若人以現知等信有所得名爲有相答曰此亦非有相是可信法決定分別不可得說又有經說應依於智不應依識以性得故色等諸塵不可得後當廣說此無相不壞有所得相云何可立問曰有與法合故名爲有答曰有後當破又有中無有云何有與法合故名有耶以是因緣有相決定分別不可得說但以世諦故有非第一義問曰若以世諦有者今還以世諦故說過去未來爲有爲無答曰無也所以者何若色

等諸陰在現在世能有所作可得見知如經中說惱壞是色相若在現在則可惱壞非去來也受等亦然故知但有現在五陰二世無也復次若法無作則無自相若過去火不能燒者不名爲火識亦如是若在過去不能識者則不名識復次若無因而有是事不然過

西二

二十二末

去法無因可有是故不然復次凡所有法皆衆緣生如有地有種水等因緣則芽等生有紙筆人工則字得成二法等合則有識生未來世中芽字識等因緣未會云何得有是故二世不應有也復次若未來法有是則爲常以從未來至現在故如從舍至舍則無無常是事不可又經中說眼生無所從來滅無所至是故不應分別去來法也復次若未來有眼色識者則應有作過去亦尔而實不然故知無去來法也又去來色有則應有對有礙而實不然故無也復次若瓶等物未來有者則陶師等不應有作而現有作故無未

來又佛說有爲法三相可得生滅住異生者若法先無今現有作滅者作已還無住異者相續故住變故名異是三有爲相皆在現在非過去未來

成實論卷第二

西二

成實論卷第三

西三

訶梨跋摩造 姚秦三藏鳩摩羅什譯

二世有品第二十一

問曰實有過去未來所以者何若法是有此中生心如現在法及無爲法又佛說色相亦說過去及未來色又說凡所有色若內若外

^乙若鹿若細若過去未來現在摠名色陰又說過去未來色尚無常何況現在無常是有爲相是故應說有又現見從智生智以修習故如從稻生稻是故應有過去若無過去果則無因又經中說若過去事實而有益佛則說之又說應觀過去未來一切無我又緣未來